

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 477169 25 St
Tuzla, 18.09.2025. godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „MASTER SERVICE“ d.o.o. za proizvodnju, promet i usluge Tuzla, ul. 21. decembar bb, Bukinje, nakon provedenog prethodnog stečajnog postupka, donio je dana 18.09.2025.godine slijedeće

R J E Š E N J E

OTVARA SE stečajni postupak nad imovinom dužnika „MASTER SERVICE“ d.o.o. za proizvodnju, promet i usluge Tuzla, ul. 21. decembar bb, Bukinje, MBS:1-13603, JIB:4209747700002, račun broj: 1020130000065831 otvoren kod Union Banka d.d. Sarajevo.

Za stečajnog upravnika imenuje Merlina Imamović iz Lukavca, ulica Braće Zaimović broj 26, Puračić.

ZAKLJUČUJE SE stečajni postupak nad imovinom dužnika „MASTER SERVICE“ d.o.o. za proizvodnju, promet i usluge Tuzla, ul. 21. decembar bb, Bukinje, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 477169 25 St od 04.04..2025.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „MASTER SERVICE“ d.o.o. za proizvodnju, promet i usluge Tuzla, ul. 21. decembar bb, Bukinje, a za privremenog stečajnog upravnika imenovana je Merlina Imamović iz Lukavca, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 07.05.2025.godine. Stečajni upravnik je utvrdio da je osnivač društva „Tehnograd Company“ d.o.o. Tuzla, a direktor Džemila Mešanović. Iz izvještaja privremenog stečajnog upravnika proizilazi da je Odlukom osnivača utvrđen prestanak obavljanja djelatnosti pravnog lica, stečajni dužnik nema imovine, zaposlenika. Obaveze stečajnog dužnika odnose se na neplaćene javne prihode, a trn. račun dužnika kod Union Banka d.d. Sarajevo je blokiran.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „MASTER SERVICE“ d.o.o. za proizvodnju, promet i usluge Tuzla, ul. 21. decembar bb, Bukinje.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 26.05.2025. godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 44/25 dana 13.06.2025.godine, oglasnoj tabli suda dana 27.05.2025.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.